



Broj: 02 -11-4-4323-5/25  
Datum: 03.09.2025. godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (1) tačka a), a u vezi sa članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine”, broj 39/14, 59/22 i 50/24), člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 44/23) i preporuke Komisije za nabavku droga test - ampula za uređaj Drager drug test 5000 za potrebe Uprave policije, imenovane Rješenjem broj: 02/5-1-30-1-3866 od 01.07.2025. godine, u postupku javne nabavke droga test – ampula za uređaj Drager drug test 5000, putem otvorenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

## **ODLUKU O IZBORU NAJPOVOLJNIJEG PONUĐAČA I DODJELI UGOVORA**

### **I**

Prihvata se preporuka Komisije za nabavku droga test - ampula za uređaj Drager drug test 5000 za potrebe Uprave policije i ugovor za javnu nabavku droga test - ampula za uređaj Drager drug test 5000 za potrebe Uprave policije Ministarstva unutrašnjih poslova Kantona Sarajevo dodjeljuje se ponuđaču:

- Teve Varnost Elektronika d.o.o. Visoko za ponudenu cijenu od 17.248,40 KM bez PDV-a.

### **II**

Ponuđači će biti obaviješteni o rezultatima postupka u roku od 7 (sedam) dana od dana donošenja odluke o izboru ponuđača. Prijedlog ugovora dostavit će se na potpis izabranom ponuđaču Teve Varnost Elektronika d.o.o. Visoko po isteku zakonom predviđenog roka od dana od kada su svi ponuđači obavješteni o izboru najpovoljnije ponude.

### **III**

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke.

### **Obrazloženje**

Na osnovu Odluke broj: 02-11-4-4323/25 od 21.07.2025. godine, Obavještenja o nabavci broj: 116475-1-1-79-3-113/25 od 24.07.2025. godine, proveden je otvoreni postupak javne nabavke droga test- ampula za uređaj Drager drug test 5000 za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-4323/25 od 14.08.2025. godine, za aktivno učešće u postupku dostavljene su ponude ponuđača: Teve Varnost Elektornika d.o.o. Visoko i MSG d.o.o. Tuzla.

Komisija je izvršila pregled i ocjenu dostavljenih ponuda, te sačinila Zapisnik o pregledu i ocjeni ponuda broj 02 -11-4-4323-4/25 od 02.09.2025. godine, kojim je utvrdila slijedeće:

- da ponuda ponuđača MSG d.o.o. Tuzla nije u skladu sa tačkom 13.3. a) Tenderske dokumentacije - Tehnička i profesionalna sposobnost u postupku nabavke roba (član 49. Zakona).

Naime, tačkom 13.3. a) Tenderske dokumentacije - Tehnička i profesionalna sposobnost u postupku nabavke roba navedeno je da su ponuđači obavezni dostaviti Katalošku dokumentaciju, brošuru, deklaraciju proizvođača ili drugi ekvivalentan dokument za ponuđenu robu kojom se potvrđuje zadovoljenje traženih zahtjeva utvrđenih u Tehničkoj specifikaciji Obrasca za cijenu ponude – Aneks III ove tenderske dokumentacije.

Aneksom 3 - Tenderske dokumentacije - Obrazac za cijenu ponude tražena roba - je opisana na sljedeći način:

*“Tester za detekciju droga i drugih opojnih psihoaktivnih supstanci u organizmu, za uređaj marke: “Drager Drug Test 5000”*

*- Testeri moraju biti kompatibilni sa uređajem za detekciju droge “Drager Drug Test® 5000”, a koji je u upotrebi kod Ugovornog organa.*

*- Testeri moraju detektovati minimalno 5 (pet) skupina droga, i to: afetamin, metamfetamin, kokain, opijati, THC, čije će prisustvo uređaj za detekciju droge “Drager Drug Test® 5000” detektovati i prikazati sa nedvosmislenim rezultatom: DA, odnosno njihovu odsutnost sa rezultatom: NE*

*- Rok upotrebe testera: minimalno 1 (jedna) godina od dana izvršene isporuke.”*

U svrhu ispunjavanja navedenog uslova, ponuđač MSG d.o.o. Tuzla je dostavio katalošku dokumentaciju izdatu od proizvođača Drager ali za testere za detekciju droga i drugih opojnih psihoaktivnih supstanci za uređaj Drager Drugcheck 3000.

Cijeneći dostavljenu dokumentaciju, Komisija je konstatovala da je Obrascem za cijenu ponude – Aneks III Tenderske dokumentacije navedeno da se nabavljaju testeri za detekciju droga i drugih opojnih psihoaktivnih supstanci za uređaj Drager Drug Test® 5000, a koji je u upotrebi kod ovog Ugovornog organa, te da je ponuđač MSG d.o.o. Tuzla dostavio katalošku dokumentaciju za testere za detekciju droga za uređaj Drager Drugcheck 3000.

Nadalje, Komisija je konstatovala da ponuđač MSG d.o.o. Tuzla ničim nije dokazao da su ponuđeni testeri za detekciju droga i drugih opojnih psihoaktivnih supstanci za uređaj Drager Drugcheck 3000 kompatibilni sa uređajem Drager Drug Test® 5000, a kako je traženo Tenderskom dokumentacijom.

Shodno navedenom, ponuda ponuđača MSG d.o.o. Tuzla nije prihvatljiva jer ne ispunjava uslov iz tačke 13.3. a) Tenderske dokumentacije - Tehnička i profesionalna sposobnost u postupku nabavke roba, obzirom da dostavljenom kataloškom dokumentacijom nije potvrđeno zadovoljavanje traženih uslova iz tehničke specifikacije, odnosno ponuđač MSG d.o.o. Tuzla nije dokazao da su ponuđeni testeri za detekciju droga i drugih opojnih psihoaktivnih supstanci kompatibilni sa uređajem Drager Drug Test 5000, te se u skladu sa članom 68 stav (4) tačka i) Zakona o javnim nabavkama odbacuje.

- da ponuda ponuđača Teve Varnost Elektornika d.o.o. Visoko sadrži sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjavaju sve zahtjeve Ugovornog organa.

Komisija je utvrdila da je u postupku podnesena samo jedna prihvatljiva ponuda ponuđača Teve Varnost Elektornika d.o.o. Visoko sa konačnom ukupnom cijenom ponude od 17.248,40 KM bez PDV-a, te postupajući u skladu sa članom 4., stav (2) Pravilnika o uslovima i načinu korištenja e-aukcije („Službeni glasnik BiH“, broj 80/23) postupak se okončava primjenom člana 69. Zakona o javnim nabavkama.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjele ponude u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno, a u skladu sa članom 69. stav (1) tačka a) Zakona o javnim nabavkama („Službeni glasnik BiH“, broj: 39/14, 59/22 i 50/24), Zapisnikom o pregledu i ocjeni ponuda broj 02-11-4-4323-4/25 od 02.09.2025. godine odlučeno je kao u dispozitivu.

**Pouka o pravnom lijeku:** Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama („Službeni glasnik BiH“ broj: 39/14, 59/22 i 50/24).



**POLICIJSKI KOMESAR**  
**Generalni inspektor policije**

**Fatmir Hajdarević**

**Dostaviti:**

1. Komisiji za nabavku droga test- ampula za uređaj Drager drug test 5000
2. Ponuđačima x2
- ③ Odjeljenju za odnose s javnošću, radi objave na web stranici ovog organa
4. a/a

